

**Азаматтардың жеке санаттарына әлеуметтік көмек тағайындау және оны жүзеге асыру жөніндегі нұсқаулығын бекіту туралы**

*Күшін жойған*

Шығыс Қазақстан облысы Абай ауданының әкімдігінің 2010 жылғы 16 маусымдағы N 222 қаулысы. Шығыс Қазақстан облысы Әділет департаментінің Абай ауданындағы Әділет басқармасында 2010 жылғы 16 шілдеде N 5-5-113 тіркелді. Күші жойылды - Шығыс Қазақстан облысы Абай ауданының әкімдігінің 2012 жылғы 11 маусымдағы N 238 қаулысымен

**Ескерту. Күші жойылды - Шығыс Қазақстан облысы Абай ауданының әкімдігінің 2012.06.11 N 238 қаулысымен.**

Қазақстан Республикасының 2008 жылғы 4 желтоқсандағы № 95-IV Бюджеттік Кодексінің 56-бабы 1-тармағы 4) тармақшасына, Қазақстан Республикасының 2001 жылғы 23 қаңтардағы «Қазақстан Республикасындағы жергілікті мемлекеттік басқару және өзін-өзі басқару туралы» № 148 Заңының 31-бабы 1-тармағы 14) тармақшасы, Қазақстан Республикасының 2005 жылғы 13 сәуірдегі «Қазақстан Республикасындағы мүгедектерді әлеуметтік қорғау туралы» № 39 Заңының 16-бабына, Абай аудандық мәслихатының 2009 жылғы 25 желтоқсандағы N 18-3 «2010-2012 жылдарға арналған аудан бюджеті туралы» шешіміне (Мемлекеттік тіркеу тізілімінде 2010 жылғы 10 қаңтарда N 5-5-102 тіркелді) сәйкес азаматтарды әлеуметтік қорғау мақсатында Абай ауданының әкімдігі

**Қ А У Л Ы**

**Е Т Е Д І :**

1. Азаматтардың жеке санаттарына әлеуметтік көмек тағайындау және оны жүзеге асыру жөніндегі Нұсқаулығы бекітілсін (Қосымша).

2. Аудан әкімдігінің 03 наурыз 2008 жылғы № 372 санды «Азаматтардың жеке санаттарына әлеуметтік төлемдер тағайындау жөнінде нұсқаулықты бекіту туралы» (Нормативті құқықтық актілерді мемлекеттік тіркеу тізілімінде 5-5-76 номерімен тіркелген, «Абай елі» газетінде 2008 жылдың 15-30 сәуірінде 8 (042) номерінде жарияланған) күші жойылды деп танылсын.

3. Осы қаулының орындалуына бақылау жасау аудан әкімінің орынбасары Е. Л д и б а е в қ а жү к т е л с і н .

4. Осы қаулы бірінші ресми жарияланған күннен кейін он күнтізбелік күн өткен соң қолданысқа енгізіледі.

Аудан әкімі:

Е. СҮЛЕЙМЕН

Қ о с ы м ш а  
А б а й а у д а н ы ә к і м д і г і н і ң  
1 6 м а у с ы м 2 0 1 0 ж ы л ғ ы

№ 222 қаулысымен бекітілген

**Азаматтардың жеке санаттарына әлеуметтік көмек  
тағайындау және оны жүзеге асыру жөніндегі  
нұсқаулық**

1. Нұсқаулық Қазақстан Республикасының 2008 жылғы 4 желтоқсандағы № 95-IV Бюджеттік Кодексінің 56-бабы 1-тармағы 4) тармақшасына, 2001 жылғы 23 қаңтардағы «Қазақстан Республикасындағы жергілікті мемлекеттік басқару және өзін-өзі басқару туралы» № 148 Заңының 31-бабы 1-тармағы 14) тармақшасы, 2-тармағына, Қазақстан Республикасының 2005 жылғы 13 сәуірдегі «Қазақстан Республикасындағы мүгедектерді әлеуметтік қорғау туралы» № 39 Заңының 16-бабына, Абай аудандық мәслихатының 2009 жылғы 25 желтоқсандағы N 18-3 «2010-2012 жылдарға арналған аудан бюджеті туралы» шешіміне (Мемлекеттік тіркеу тізілімінде 2010 жылғы 10 қаңтарда N 5-5-102 тіркелді) сәйкес әзірленді.

2. Нұсқаулық әрекеті «Мемлекеттік атаулы әлеуметтік көмек туралы» Қазақстан Республикасының Заңымен реттелетін қатынастарға таралмайды.

**1. Жалпы ережелер**

3. Азаматтардың жекелеген санаттарына әлеуметтік көмек (бұдан әрі - Әлеуметтік көмек) ақшалай төлем түрінде көрсетіледі.

Әлеуметтік көмек көрсету шарты, мөлшері және түрлері осы нұсқаулықпен белгіленеді.

4. Әлеуметтік көмек Қазақстан Республикасының азаматтарына, Абай ауданында тіркелген, тұратын оралмандарға ұсынылады.

5. Әлеуметтік көмек қаржыландыру көзі Абай ауданының бюджеті болып табылады.

6. Әлеуметтік көмек, әкімгері «Абай ауданының жұмыспен қамту және әлеуметтік бағдарламалар бөлімі» Мемлекеттік мекеме (бұдан әрі - Әкімгер) болып табылатын «Жергілікті өкілетті органдардың шешімімен азаматтардың жекелеген санаттарына берілетін әлеуметтік төлемдер» бюджеттік бағдарламаға (бұдан әрі-Бағдарлама) сәйкес және осы мақсатқа сәйкесінше қаржылық жылда аудан бюджетінде қарастырылған қаржы шегінде, ұсынылады.

## **2. Әлеуметтік көмек алу құқығы**

### **7. Әлеуметтік көмек алу құқығы:**

1) Өткен тоқсан қорытындысы бойынша анықталатын отбасының бір мүшесіне бөлгенде күн көріс деңгейінен төмен табысы бар тұрмысы төмен отбасылар (азаматтар);

2) Жедел әлеуметтік көмекке мұқтаж (комиссия шешімімен анықталған онкологиялық, туберкулезді науқастарды емдеуге; операциялар жасау қажеттілігі; Қазақстан Республикасы аумағы бойынша госпитальға жатқызуға жол ақысына; апаттар; өрт; су тасқыны және басқа да тосын жағдайлар) белгілі жағдайларға тап болған тұлғалар (отбасылар).

8. Коммуналдық қызметтің шығындар өтемақысына ай сайынғы әлеуметтік көмекке Қазақстан Республикасына ерекше сіңірген еңбегі үшін зейнетақы тағайындалған тұлғалар мен облыстық маңызы бар дербес зейнеткерлер құқылы.

9. Тұрмысы төмен отбасынан шыққан, «Алтын белгі» белгісімен марапатталған мектеп түлектеріне жоғарғы оқу орнында оқу кезеңінде берілетін ай сайынғы әлеуметтік көмек мөлшері 15000 (он бес мың) теңгені құрайды.

## **3. Азаматтардың жеке санаттарына біржолғы әлеуметтік көмекті тағайындау**

10. Әлеуметтік көмек отбасының бір мүшесіне (азаматқа), жазбаша өтініш бойынша жылына бір рет материалдық көмек түрінде ұсынылады.

11. Әлеуметтік көмек мөлшері әрбір нақты жағдайда аудандық комиссияның шешімі бойынша белгіленеді, ол 200000 (екі жүз мың) теңгеден аспайды.

12. Аудандық комиссия материалдық көмекті бөлу немесе бас тарту туралы шешім шығаруға құқылы. Өтінішті қарау нәтижесі бойынша өтінушіге жазбаша жауап беріледі.

13. Азаматтардың өтініштері аудандық комиссия отырысына келесі құжаттарды ұсынған кезінде қаралады, өтінушінің жеке куәлік көшірмесі, өтінушінің тұрғылықты жерін және отбасы құрамын растайтын құжат көшірмесі, салық төлеушінің нөмерінің көшірмесі, өтінуші тұратын аумақтағы округ әкімдігінің өкілі жазып, округ әкімі бекіткен тұрғын үй-тұрмыстық жағдайын тексеру актісі; өтінушінің материалдық көмекке мұқтаждығын растайтын басқа да құжаттар (емдеу, операция құны, медициналық тексеру туралы медициналық мекеменің қорытындысы).

14. Әлеуметтік көмекті бағдарлама әкімгері агенттік келісім негізінде «Қазпочта» акционерлік қоғамы филиалына тағайындалған соманы аудару жолымен жүргізеді.

#### **4. Мерекелік күндерге азаматтардың жеке санаттарына біржолғы әлеуметтік көмекті тағайындау**

15. Мерекелік күндерге азаматтардың жекелеген санаттарына біржолғы әлеуметтік көмек азаматтардың келесі санаттарына ұсынылады:

1) 1941-1945 жылдардағы Ұлы Отан соғысына қатысқандар мен мүгедектер – 10 АЕК-ке дейінгі мөлшерде;

2) Ұлы Отан соғысы жылдарындағы ерен еңбегі және қалтқысыз әскери қызметі үшін марапатына жатқызылған бұрынғы КСРО медалімен марапатталып, осы негізде арнайы мемлекеттік жәрдемақы алушылар - 5 АЕК-ке дейінгі мөлшерде;

3) 1941-1945 жылдардағы Ұлы Отан соғысының тыл еңбеккерлері, осы негізде арнайы мемлекеттік жәрдемақы алушылар - 5 АЕК-ке дейінгі мөлшерде;

4) Ленинград қаласын қоршау кезіндегі жұмыс істеген және «Ленинградты қорғағаны үшін» медалімен және «Қоршаудағы Ленинград тұрғыны» белгісімен марапатталған азаматтар - 5 АЕК-ке дейінгі мөлшерде;

5) Бұрынғы фашистік концлагердің кәмелетке толмаған тұтқындары - 5 АЕК-ке дейінгі мөлшерде;

6) 1941-1945 жылдардағы Ұлы Отан соғысында хабарсыз жоғалған, қайтыс болған, опат болған жауынгерлердің жесірлері, осы негізде арнайы мемлекеттік жәрдемақы алушылар - 5 АЕК-ке дейінгі мөлшерде;

7) «Алтын Алқа», «Күміс Алқа» белгілерімен марапатталған көп балалы аналар немесе бұрын «Батыр ана» атағын алған, 1 және 2 дәрежелі «Ана даңқы» орденімен марапатталған аналар, 4 және одан да көп кәмелетке толмаған бірге тұратын балалары бар көп балалы аналар (отбасылар) - 5 АЕК-ке дейінгі мөлшерде;

8) Мүмкіндігі шектеулі және әлеуметтік жұмыскерлердің үйде қызмет көрсетуі үшін есепте тұрған балалары бар отбасылар - 5 АЕК-ке дейінгі мөлшерде;

9) Мемлекеттің толық қарауындағы тұлғалардан басқа, төлем кезінде 80-ге одан да көп жасқа толған қарт адамдар; ата-анасының қамқорлығынсыз қалған балаларды тәрбиелеуші отбасылар - 5 АЕК-ке дейінгі мөлшерде;

10) Мемлекеттің толық қарауындағы тұлғалардан басқа, I, II, III топ мүгедектері, осы негізде арнайы мемлекеттік жәрдемақы алушылар - 5 АЕК-ке дейінгі мөлшерде;

11) Мүгедек балалар (16 жасқа дейінгі) - 5 АЕК-ке дейінгі мөлшерде;

12) Коммуналдық қызметтің шығындар өтемақысына әлеуметтік төлем Қазақстан Республикасына ерекше сіңірген еңбегі үшін зейнетақы тағайындалған

тұлғалар мен облыстық маңызы бар дербес зейнеткерлерге өтініш пен келесі құжаттарды берген айдан бастап жүзеге асырылады: жеке куәлік көшірмесі, дербес зейнеткер куәлігінің, не дербес зейнетақы тағайындау хаттамасының көшірмесі, тұрғылықты жерін растайтын құжат көшірмесі – төлем мөлшері 2000 ( екі мың ) теңгені құрайды ;

13) «Абай ауданының құрметті азаматы» атағы берілген, Абай ауданының аумағында тұратын тұлғалар – 5 АЕК-ке дейін;

14) Ауғаныстаннан кеңес әскерлерінің шектеулі құрамын шығару күніне; Ауғаныстандағы соғысқа қатсықандар мен мүгедектерге, Ауғаныстандағы соғыс қимылдары кезінде қаза болған (хабарсыз кеткен) немесе жарақат, контузия, зақымдану, ауру салдарынан қайтыс болған әскерилердің отбасына - 5 АЕК-ке дейін ;

15) Чернобыль атом электростанциясындағы апат кезінде құрбан болғандарды еске алу күніне: Чернобыль атом электростанциясындағы апатты жоюға қатысқан тұлғаларға - 5 АЕК - ке дейін ;

16) Қала, кент, ауылдық округтер әкімдерінің ұсынуымен мерекелік және атаулы күндерге арналған аудан әкімінің қабылдауына шақырылған тұлғалар - әрбіреуіне 5 АЕК-ке дейінгі мөлшерде;

17) Қарттар күніне Ұлы Отан соғысына қатысқандар мен мүгедектерге және ардагерлер активтеріне «Рудный алтай», «Дидар» және басқа да газеттерге жазылуды ресімдеуге – жазылу кезеңінде мерзімдік басылымға жазылу мөлшерінде бір жылға .

16. Аудандық ардагерлер Кеңесі Ұлы Отан соғысына қатысқандар мен мүгедектердің және ардагерлер активтерінің аудандық ардагерлер кеңесінің төрайымының қолы қойылған тізімдерін Әкімгерге ұсынады. Ұсынылған тізімге сәйкес жазылу басылымдарын ресімдеуге әлеуметтік көмек тағайындалады.

17. Әлеуметтік төлеміне тізімдерді жинақтау зейнетақы төлемі жөніндегі мемлекеттік орталық филиалының ұсынған төлем сәтіндегі зейнетақы алушылар базасы бойынша жүргізіледі .

18. Ұлы Отан соғысы қатысушылар мен мүгедектерге, зейнеткерлерге, мүгедектерге, аз қамтамасыз етілген азаматтарға тұрғын үйін және шаруашылық құрылыстары жөндеу үшін құрылыс материалдары мен құралдарын сатып алуға материалдық көмек көрсету, тұрғын үйге және шаруашылық құрылыстарына жасалған зерттеу актісі негізінде көрсетіледі.